

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. II. Species à circumstantiis.

[urn:nbn:de:hbz:466:1-74152](#)

operatoris, semper tamen coincidit cum fine operis, ut patet in allato exemplo.

Notandum secundò. Ut actus ab objecto accipiat speciem moralitatis, pro necessaria condizione connotare practicam representationem & judicium rationis: neque enim objectum praecepit unius est, sed ut sublat cognitioni practicæ, speciem tribuit; quia de causa ignorantia invincibilis se penumerò auctor malitiam, quam actus aliquo ex objecto contraxisset: e. g. in adoratione hostia non consecrata, qua tamen per invincibilem ignorantiam putatur esse consecrata, à parte rei est adorabilitas hostie non consecrata, qua simpliciter est prohibita & objectum idolatriæ: quia tamen hoc objectum non stat sub practica representatione intellectus, sed econatus adorabilitas Christi sub hostia, qua invincibiliter & prudenter consecrata judicatur, existens est hujus adorationis objectum hic & non representatum & practice judicatum, idcirco actus adoracionis ab hoc objecto specificatus est honestus, & procedit ex virtute religionis. His positis sit

CONCLUSIO prima. *Actus humani speciem essentiale bonitatis vel malitiae accipiunt ex objecto.* & D. q. 18. a. 2. dicens. *Sicut res naturalis habet speciem ex sua forma, qua dat speciem eius; ita & prima bonitas actus moralis attingitur ex objecto convenienti.* Colligitur Os. 9. ubi de peccatoribus dicitur: *facti sunt abominabiles, sicut ea, que dilexerunt. Unde & D. August. tr. 2. in Jo. Si terram diligis, terreas es: si DEUM diligis, quid dicam? DEUS eris.*

Ratio est indicata à S. Doctore: Ita se habet objectum ad actum in specificando extrinsecè, sicut forma naturalis habet se ad compositum in specificando intrinsecè: sed forma naturalis dat composito primam & essentiale speciem intrinsecè: ergo etiam objectum dat actui primam & essentiale speciem extrinsecè: naturalem quidem, si spectetur in esse naturæ; moralem, si spectetur in esse moris.

Obiectio primò. Datur actus moralis indifferens saltem secundum speciem; sed iste non habet ex objecto speciem boni, vel mali moralis. Nam objectum v. g. ambulationis ut sic est deletabile exercitium corporis à regulis rationis neque prescriptum neque prohibitum, sed purè permisum, adeoque indifferens ad bonum & malum: ergo actus indifferens speciem boni vel mali non accipit ab objecto.

Secondo. Juxta S. D. in 2. 2. q. 124. a. 3. actus fortitudinis speciem sua honestatis non accipit ab objecto, quod est tolerantia passionis, vel mortis, nisi accedat aliquis finis extrinsecus alterius virtutis, v. g. religiosis, aut iustitiae.

Tertio. Actus interioris objectum est actus externus, v. g. objectum hujus actus, *volo furari*, est ipsumm furum exercitus: sed actus externus non potest interiori dare malitiam aut bonitatem; siquidem ipse suam bonitatem aut malitiam omnem accipit ab actu interno voluntatis: ergo non omnis actus humanus speciem sua moralitatis accipit ab objecto.

Quarto. Objectum hujus actus, *volo honestè vivere*, est in contuso materia omnium virtutum;

sicut & objectum istius actus, *volo peccare*, est indeterminate materiæ & objectum omnium vitiorum: sed hoc non potest speciem determinatam actui tribuere: ergo.

Respond. ad 1. juxta suprà dicta actum indiferentem secundum speciem, habere ex objecto essentiale speciem indifferentia, quæ deinde per accessum finis & circumstantiarum in individuo trahitur ad speciem boni, vel mali moralis.

Ad 2. Respond. mentem S. Doctoris esse, quod objectum fortitudinis requirat connexionem finis extrinseci alterius virtutis per modum conditionis & connotati extrinseci, non autem per modum specificativi formalis: licet enim sufficiencia passionis vel mortis absolutè non habeat honestatem, nisi connotet alium honestum finem, ad quem ordinetur: posita tamen tali conditione etiam ex propria materia habet speciem honestatem, quæ non relinet in honestate finis adjuncti, nimirum ratione peculiaris difficultatis in cuius victoria speciale honestas reperitur.

Ad 3. neg. min. ejusque probationem dist. a. 7. *Eius externus accipit suam bonitatem formalem ab interno & ut est in executione positus, concedo; accipit bonitatem, vel malitiam objectivam, & ut est in intentione, nego, de quo plura infra.*

Ad 4. nego maj: nam objectum istius actus, *volo honestè vivere*, est finis ultimus naturæ rationalis qua talis, nempe vel bonum honestum naturale conveniens naturæ rationali quatenus elevata in finem supernaturalem. Similiter iste actus, *volo peccare*, habet pro objecto ultimum finem inordinatum, nempe proprium commodum inordinatum, in quod fertur depravatus appetitus naturæ sibi relictus.

§. II. Species à circumstantiis.

Notandum primò. Circumstantias actus humani communiter illo trito versiculo enumerari. *Quis, quid, ubi, quibus auxiliis, cur, quomodo, quando?*

Cujus numeri ista est ratio. Tot sunt circumstantiae, quot sunt species modi extrinsecè afficiendi actum humanum: (hoc quippe significat circumstantia tanquam extra substantiam actus constituta, eumque circumstans) sed ejusmodi sunt septem: ergo. Min. probatur: Actus afficitur extrinsecè vel secundum seipsum, vel secundum suam causam, vel secundum aliquem suum effectum. Actum ipsum afficit vel modus agendi, vel mensura ipsius. Modus agendi constituit circumstantiam quomodo? mensura est circumstantia temporis & loci, cœu quando & ubi.

Ratione causa actus afficitur, vel quia aliquid est causa finalis ipsius, & est circumstantia cur?

vel quia est causa efficiens principialis, & est circumstantia quis? vel quia est causa instrumentalis, & hæc est circumstantia, quibus auxiliis? vel quia est causa materialis, & est circumstantia, quid? quæ etiam in parte effectus considerari potest. Ex his circumstantiis potissima est finis, non finis operis; quia iste non distinguitur ab objecto, de quo art. præced. sed finis operantis, quæ est motivum voluntatis, ideoque peculiarem habet considerationem. E. g. si quis occidat Clericum

cum ex intentione prædandi pecunias, objectum actus & finis operis est injusta vite ablatio, tam præcepto charitatis quam justitia repugnans. Circumstantia cur & finis operantis est injusta ablatio rei alienæ contra virtutem justitiae. Circumstantia quid ex parte causæ materialis est violatio personæ sacræ repugnans virtuti & præcepto religionis.

10. Notandum secundò. Extra dubium esse, quod actus humanus accipiat moralem bonitatem aut malitiam ex circumstantiis, nam Gen. 4. reprobatur sacrificium Caini propter admixtam circumstantiam odii erga fratrem Matth. 6. reprehendunt dantes elemosynam ex sine vanæ gloriæ. Magnitudo persona peccantis aggravat peccatum ut ex Isidoro habet S. D. q. 73. a. 10. Ratio est: quia bonitas & malitia humanorum actuum attenditur secundum conformitatem vel disformitatem ad regulas morum: sed circumstantia faciunt actum aliquando absolute conformem vel disformem, aliquando magis vel minus conformem aut disformem ad regulas morum: ergo circumstantiae tribuunt actu humano aliquam bonitatem, vel malitiam. Superest quæstio, an & quæ circumstantiae actu humano tribuant novam speciem bonitatis, vel malitiae, distinctam à specie quam actus accipit ab objecto.

11. CONCLUSIO secunda. Illæ circumstantiae tribuant novam & disformam speciem bonitatis aut malitiae, quæ afferunt novam conformitatem, vel novam disformitatem & repugnantiam cum regulis morum.

Ratio est: quia ut dictum, bonitas moralis consistit in conformitate, malitia vero in disformitate cum regulis morum & recta rationis: ergo illæ circumstantiae tribuant novam speciem bonitatis, quæ afferunt novam conformitatem; illæ vero novam speciem malitiae, quæ afferunt novam disformitatem cum regulis morum & recta rationis: cætera vero circumstantiae solummodo tribuant vel augmentum, vel diminutionem bonitatis aut malitiae. E. g. furatur aliquis calicem aureum die festivo ex fine forniciandi, in hoc actu, præter speciem furti vel injuritiae quæ ab objecto accipitur, circumstantia finis tribuit novam speciem fornicationis, propter novam repugnantiam cum virtute & præcepto castitatis. Item circumstantia quid, sive materia sacra tribuit novam speciem sacrilegii propter novam & specialem repugnantiam cum virtute & præcepto Religionis. Circumstantia vero pretiositatis, quod calix sit aureus, item quod furtum committatur die festivo, seu circumstantia temporis, quia non inducunt aliquam specialem disformitatem vel repugnantiam cum distinto præcepto & virtute, propterea sunt species tantummodo aggravantes, non autem speciem mutantes.

12. Dices: Actus humani specificantur ab objecto, sed circumstantiae non pertinent ad objectum; siquidem per modum accidentium illi jam præsupposito superveniunt: ergo actus humani non accipiunt speciem a circumstantiis.

Respond. dist. min. Circumstantiae non pertinent ad objectum, quatenus comparantur ad primam & essentialem speciem, quam actus recipit ab objecto, concedo; quatenus comparantur ad

actum, quem trahunt ad novam speciem mortis, nego min. ergo non accipiunt novam speciem a circumstantiis sub prima consideratione, concedo; sub secunda, nego consequentem. Igitur circumstantia potest duplere considerari, primò, quatenus supervenit actu in sua specie constituta, & sic habet se per modum accidentis & servat rationem circumstantiæ: secundò, prout fundat in objecto novam objectivam repugnantiam cum recta ratione, ex qua actu pecaminosus fortius novam speciem peccati & sic non manet pura circumstantia, sed transiit in conditionem objecti.

§. III. Species à fine.

CONCLUSIO tertia. Actus humanus semper accipit aliquam speciem moralitatis a fine, in constat ex prædictato c. 6. Matth. Ratio est: quia actu humanorum bonitas & malitia alio modo pender ex fine, quando eorum est pender ex fine: sed omnium actuum humanorum est pender ex fine: ergo etiam illorum bonitas vel malitia. Min. constat: Sic enim operantis est motivum voluntatis, ita necessario semper est causa actu voluntarii, & consequenter esse actu humani & voluntarii à fine de-

pender. Dixi, aliquo modo actu humanum accipere suam speciem à fine: quia pro diversitate eorum aliquando accipit speciem essentialem, aliquando accidentalem.

Nam actus internus vel est mere elicitus citiens, elque ipsa finis intentio, vel ex prædictione imperatus, ut electio mediorum ad consequendum finem: si est mere elicitus, tunc accipit à fine operantis speciem essentialem, iste actu pro immmediato & specificativo hoc objecto recipiat ipsum finem operantis: si vero sit imperatus, tunc est distinguendum: vel enim accipit reduplicativè, quatenus nimur imperatur, & tunc speciem essentialem accipit à fine operantis, quem ut sic per se primo recipit. Si autem sumatur specificativè, tunc ab objecto proximo tanquam fine operis sumit speciem essentialem, à fine vero accidentalem. Utrumque inducit S. Doctor, & primum quidem q. 1. de virtut. a. 10. Actus alicuius habitus, prout imperatur ab illo habitu, accipit speciem moralem, formaliter loquendo de ipso actu; unde cum quis fornicietur sive furetur, actus iste licet materialiter sit intemperie, tamen formaliter est avaritia. Alterum expressum hic q. 18. a. 2. dicens: Sic ut prima bonitia rei naturalis attenditur ex sua forma, qua dicitur secundum ei, ita & prima bonitas actu moralis attenditur ex objecto convenienti. Idem proportionaller est de malitia. Et ratio ulterior est, quod quia in actu se habent variabilitatem, sunt contingentes; sed bonitas & malitia ex fine operantis habent se variabilitatem in actu; nam furtum v. g. semper habet speciem injuritiae, quod autem habeat malitiam fornicationis, est ipso per accidens: ergo.

Colliges ex dictis. In eodem physice actu plures bonitates, vel malitiae specie distinctas reperti posse. Hoc ipso, quod idem physice actu possit habere plures conformitates vel disfor-